



*Selasa, 13 Desember 2022*  
**Ogen: I Korinti 13:8-10**



**Kekelengen Si La Erkeri-Kekrin**



**B**anci nge erkeleng ate adi nggo mate? Secara langsung banci si jabab lang. Tapi man kalak si tek man Tuhan kai pe la lit ngolangi ia i bas nehken keleng ate. Lit sada novel karangen Cecelia Ahern, judulna P.S I Love You. Isi buku enda eme kerna sekalak diberu si depresi kenca kematen perbulangenna erkiteken pinakit. Kidekah geluh perbulangenna e tahu-tuhu ncidahken keleng ate man bana. I bas masa-masa depresi e tep-tep bulan, ialokenna sada surat si pengirimna, tersurat je gelar perbulangenna. Kepeken ope mate perbulangenna ndai nggo ersura-sura gelah nampati ndeharana keke ras ngelanjutken kegeluhen amin gia lanai ras perbulagenna. Surat e lit 10 si tahu-tuhu ngajari ia uga ngaloken kematen kalak si ikelengina ras erdame ras keadanna. Tep-tep pendungi surat e, isenaken perbulangenna kata-kata Ps I Love you, si ertina cataten: keleng ateku kam.

Senina Moria, si idah kepeken kekelengen e la erkeri-kerin. Ia la terbatas kai pe, banci isehken alu erbage-bage cara. Emaka nina Rasul Paulus si nggo nggejabken kekelengen Tuhan si luar biasa, keleng ate la erkeri-kerin. Terlebih keleng ate si rehna bas Tuhan nari. Nusur ku doni mpeteruk bana pe IA nggit, mate pe IA guna kita, keke pe seh nangkih ku surge pe man gunata. Emaka kiniteken ras kekelengen man Tuhan ola kal si raguken. Memang, adi iperhadapkan ras kengasupenta ngantusi sura-sura Dibata labo japa pe siangka sura-surana. Kepentarena sibar penatap matata ngenca, desken natap lawit si mbelang, tepi-tepina ngenca si idah, tapi ndauh i jah lawit si mbelang e langa si idah. Keleng ate Tuhan e pe mbue denga langa si idah. Kekelengen e sabar, alu saber si timai kerehen Tuhan maka kekelengen si la erkeri-kerin e, saber ka kita nimai geluhta, kesehatenta, rumah tanggata ipulihkan Tuhan. Sabap bas IA lit kekelengen si serta, si seh rasa lalap.

*Bagi dauhna doni ku langit bage dauhna perukurenNa nandanghi kita*